

新刊國朝二百家名賢文粹

新刊 國朝二百名賢名粹卷第二百十一

書

師友問答十三

谷黃伯淵書

玉臺王公

伯淵吾友足下竊旅亡恙辱示書稱道太過賔之惕然不敢當  
適終日賓客紛紛未及奉答慙悚慙悚吾友性識高明議論精  
確務為經世有用之學甚善甚善所慨也蜀之士無佐命立功  
者實亦疑之然論人者當觀其道德之淺深才器之大小至其  
功業則係平時數漢高祖之起所用皆豐沛人光武中興兩陽  
多頭而唐太宗創業亦以并汾諸士皆與王地適遭值也其他  
有志之士時數不逢則與草木俱腐矣由此觀之巴蜀未必無  
人也王氏蘇氏李則皆傳文則皆雄其不同者邪正而已三友  
一之是孔墨之論也一以貴之本無一說夫道一而已其為天  
下裂豈是道也諸子執之聖人通之堯舜之禪湯武之伐其類

一也曹子之所謂忠恕猶乾坤之簡易而實所謂細與說也言  
友以忠恕論舜舜湯武事此初學王氏餘習尚在耳俟相見面不

谷從正書

龍溪先生

從正足下辱在宗族尋常得聲譽於士大夫之口得文字於方  
冊間蓋夙期甚久而無一日邂逅之因乃者禍患漂零獲見為  
幸而蒙開示冒臆所與語皆超然世味之外者既荷不鄙且知  
當家有人也到家未幾即走豫章既歸獲所貺書情義粲然期  
待非淺願襄陋何以堪之書評宜答會歲暮舉趙孺人之哀開  
春復偶多事忽忽又不報當未深訝君子小人並生於世其好  
榮惡辱之心則同惜紳謂市道為可羞者將以名節勝之耳李  
問所以求為名節而文章者所以飾之之具也弃名節而竊李  
問文章之稱是猶立糞土為牆壁以丹堊飾之而遊居寢卧其  
下其不為覆轍則幸而已矣唐韓愈柳宗元曰樂天元積善當  
時知名士也愈樂天之名至今與日月爭光而稹宗元雖庸人

亦羞爲之無他愈樂夫以道終始而宗元輩冒沒聲利附其非  
人不然韓柳元白之文章並駕並馳未知孰爲先後所以若冠  
履者君由名節不立也自漢唐以來士大夫不以名節爲意未  
有如今日之盛者也朝廷非不加意作成而風俗靡靡日入於  
浮薄豈世無其人哉殆公論不立耳公論立則風俗正風俗正  
則名節興慶賞威刑所以附此而爲治者也嗚呼名節之在天  
下如四支之有筋骨宮室之有棟樑不可一日而廢而今士大  
夫忽之意者未之思耶君子立身自有本末使福司爲而禍可  
去猶不當少貶以就況命懸於大吏非人力所能增損而相時  
射利者自以爲計得豈非惑哉言見其徒爲此紛紛也比繕完  
廬舍遂無所居因泊近寺飯蔬抄經以遠喧雜知被檄到府咫  
尺無緣走見臨書增情同暄惟力力厚重以凡吾宗

荅呂知錄書

龍溪先生

得足下名老士大夫問久矣又聞翁從徐師川游願一見之而

假此拘攣未遂也張司理來蒙教并示詩又編把玩至于旬  
時不能釋手豈矣足下之文不牽於流俗之好也孔子設四科  
文與學一而已及左丘明屈原宋玉司馬遷相如之徒始以文  
章名世自爲一家而與六經訓詁之學分璧均之飲食經術者  
黍稷稻粱也文章者五味百羞也用黍稷稻粱之甘以充吾所  
受於天地之冲和固其本矣若遂以五味百羞爲無補於養生  
皆嚴而不用則加籩豆鼎鼐散然折俎不當設於先王燕享之時  
也自王氏之學興學者偃然以經術自高曰吾知經矣天下之  
學復有過此者乎彼文章一技耳何爲者哉使此曹有秋毫自  
得于聖人之門其誰不服膺歛衽奈何朝夕畢硯者類皆撥取  
前人改鑿之餘孰瀾藻蘊喋喋譚說無一字可喜者亦何異干  
珍羞不啗而以饅臠之糜強人曰此養生之本也其不爲人出  
而望也則幸而已耳又數至來伊川之季行請讀書作文爲妨  
道皆絕而不爲合有人於此終日不食其腹得然猶以爲人口

吾科輕舉矣其可信哉二先生者天下之宗師也其文章過人  
力議之者非狂則愚然陵夷至此者其徒學之之過也足下  
才高識明既埤去場屋舉子之文矣力追古人而及之豈難事  
哉在乎加之意而已某少時嘗疲精於科舉之文願隨人後  
者非吾之所學也頗欲求所以自得者於文見之而年來大為  
世故所分徒有其志耳既得罪屏居則又欲捐書焚筆研不復  
為文嗚呼過霜門而未嘗得肉也何以屬感足下之所嗜哉來  
命祇辱歲晚漸寒千萬為斯文自宣

答朱知裁書

定庵先生

公輔再拜前日伏蒙示及君子小人三論反復詳悉其說至當  
誠有補於治道欽欽歎公輔向在諫省屢因奏對為淵聖  
皇帝言人主無別事唯在辨君子小人而已若一堂之二君子  
小人不辨雖日日焦心勞思欲求天下治終無益也然世未嘗  
無君子亦未嘗無小人但君子勝小人則治小人勝君子則亂

房元齡杜如晦魏證王珪與封倫裴矩宇文士及輩同乎一時  
太宗能辨之使房杜王魏勝倫矩士及輩此唐所以治也蕭望  
之劉更生與洪恭漢書同乎一時元帝不能辨使恭願勝蕭  
劉等此漢所以亂也陛下聰明睿智超亡帝王其所用群臣必自  
有辨然臣區區所以為言者誠以君子小人為最難辨耳房杜  
王魏而倫矩士及望之更生與恭願等所言所行著在史冊以  
今日觀之君子小人較然可見然在當日雜然並進之時豈易  
辨哉臣願陛下鑒此進退臣下不可不精加選擇也帝乃曰誠  
如卿言知人堯舜所難君子小人果不易辨辨之之術卿以謂  
如何公輔即時俯伏稱賀曰陛下於君子小人果欲辨之又自  
以為難此堯舜用心然陛下以為難易將至矣竊乃宗廟社稷  
之福非獨臣之幸天下之幸也臣愚不勝感激欣躍之至臣每  
每思之君子小人霄壤之不同而孔子以一言斷之曰君子喻  
於義小人喻於利凡智謀才略學問文章人人皆有所長此不

足以辨君子小人唯觀其用心利與義而已推公心任直道利  
杜襮而不恤死生安國家而不顧妻子壞忠好善先人後己凡  
此皆生乎義而已不料國之安危但計身之利害謂護人主以  
久其權交結嬖幸以固其寵引援姦惡詆訐忠良凡此皆生乎  
利而已陛下試以此觀之君子小人斯過半矣是時帝雖以為  
然然已有先入之言謂公輔此言有為而發也弗聽也嗚呼靖  
康之禍實由小人勝君子豈不痛哉此楊前語未嘗形之文字  
亦不欲示人想公之論有深中當時病者故迫而錄之謾以附  
呈慎勿廣也餘非面不宣公輔再拜

荅湯工曹書

定庵先生

月日臨海陳公輔謹再拜復書于工曹閣下公輔迂僻與世寡  
合得官十五年未嘗一日希進此緣朝廷多事輒以管見仰裨  
聖明誤蒙主上擢在諫省區區愚忠但欲少布憂君憂國之誠  
志有餘才不足信其狂直而謹請隨之所謂自貶伊感無補於



國家也得罪以來添落方里所見士大夫為多然承平日久人樂仕進沉默良值相師成風不復知責難然君有犯無隱死難逆耳雖死不懼古人事君皆然往往笑公輔之狂怪公輔之愚者十蓋八九又孰肯以為是耶前日伏蒙閣下惠書良荷勤重非惟文辭純白意旨遠到使人欽詠之不已且謂真才豪傑夫子歎其難者公輔實余之而汲黯李固有所不及嗚呼閣下言過矣公輔之不肖何足以當此雖然閣下不笑其狂不恤其愚遂以為是豈不賢乎今世上大夫邪公輔嘗謂宋興幾二百年祖宗德澤薰漸涵養民同未戢也而姦邪弄權閹尹盜朝國計廢壞邦財耗傷上下蒙蔽紀綱頽壞遂使賊兵長驅中原無復畏懼禍亂至此未易平復者實緣培植紳士夫平時養貪得亡恥身謀太重國計太輕直無濁受大鈞摧損不能維持之也詩曰無競維人夫國家之所以強者有人以維持之人之所以維持國家者以有氣節也然則使朝廷化日賊平必欲成中興之

力俾斯民復見太平而祖宗基業永永不替非薦紳大夫輩去  
舊習崇尚氣節相尚維持之未見其可也閣下妙齡秀發志高  
識明議論已有過人者苟力行不怠自信不移異時推其所蘊  
而見於立朝其直氣大節斯足以維持國家矣此衰老廢棄之  
人所以望於後生者如此願少勉焉天下幸甚公輔以阻雨病  
僅未能一到門下姑此進謝尚冀亮察

荅何博士論文書

唐荅公

掄仲教授賢友頃辱不鄙冷然惠來貺以長牋逾數百言讀之  
亶亶忘倦不釋手者累日其詞豐其識遠其議論有淵源以足  
下妙年穎脫談笑取利名而所享如此所自得如此碌碌固不  
數錄乎是宜闊視前輩追蹤作者今迺勤勤懇懇過詢於鄙人  
以作文真誠爲目且不下問自取以此見足下進道之心而  
所享所自得又未可量也詳味書首知足下既窮往古以求唐  
虞夏商周之遺意又觀歷代史以考秦漢魏晉南北至隋唐五

季之所由廢與諸子百家野史小說之書與夫近世老師宿儒  
所爲文字無不旁搜而泛采之其好古如此則其所享所得  
爲如何哉僕才韻枯梗已降伏于下風又烏能伸其喙哉况爲  
文之訣久失其傳自韓吏部退之傳之皇甫持正持正傳之來  
无擇无擇傳之孫樵至樵而每下矣樵亦未肯與人言及文章  
懼得罪於當時也世无韓吏部恨僕无所師資其敢論文哉然  
切以古人之所謂文者非有意於爲文也言之於可行行之而  
可以非無用之空文也觀古之文復古之道以究古人之用心  
俟可行而措之行事焉此心期於足下想亦足下之所自期也  
願保神觀勉進於道以慰所望正宵十五日某再拜

荅唐希德書

縉雲先生

蒙惠長牋尺牘并所著書伏讀數四至於歎仰曩昔洛中有張  
橫渠程伊川兄弟好古孝近世獨有其徒君云明要明死此  
李遂絕然張程得孔孟但專於誠敬一端誠敬是矣道由誠敬

入德至如天无不覆地无不載山川草木鳥獸裕如之地誠欲  
持乎由以入之徑述而已使道止於誠敬則天資莊重朴茂者  
皆不孝而能也道豈莊重朴茂云尔哉故知張程所得於孔孟  
者其誠然當處得隱孝者爭取枝葉枝徑暫而之它失其至家  
之持程張守為己之孝為正宗以為猶愈於其它也今詳味所  
著深窮堯舜文王孔孟之所授大槩乎天地幽行乎鬼神明散  
之事物廣矣大矣此張程所得万万頤不肖何足以語此雖然  
粗有聞焉道有至味如寒暄飢飽惟有以自知識有得焉安然  
充然施於四鄰矣孟子言反身而誠樂莫大充實之謂美吾之  
樂也美也人莫得而知也故道之得不得以吾之樂不樂美不  
美自知焉可也而左右問朱先生又問劉先生今復以問僕言  
人可得而聞也心之得人不可得而聞也既得矣樂矣美矣又  
何問焉意左右為後裔振希有鼓鼙賸特為同志往復以成其  
說是矣若曰質於人不若質於己之為可信又有甚難者得之

難難矣然猶有得焉人也得忘其得然後能天是故不動心云  
養氣不聽之以心而聽之以氣氣充知識也心忘也嬰兒不自  
知其純為真純此顏氏交臂而失者也不肖非能至此以左右  
可語是難故因述欲相与坐進之而已勉之哉勉之哉好名之  
鐫齒見論當日昧日晦以至於舍者爭席以卒承命東西相望  
元階合并千方為此自厚

報白執禮論易書

縉雲先生

某蒙首以義易大義僕自蓬州歸伏田畝幾半年親知書計紛  
紛以不情无益否則強僕以不樂為之事又益厭苦每得一書  
至怒不飲食今日乃獲足下以聖經疑義見質告以久所未嘗  
告者撫髀欣幸然僕何能知易姑求知於象數之間而得其梗  
槩足下言需之三陽失之躁二陰失之介求易務其深而深理  
未清秘自異於先儒无益也易生於有畫无畫則无自而生三  
陽既躁处非其所二陰又介而陷如是而善处需者决不為三

陽二陰躁介之為則三陽二陰可以无矣何有於需卦哉需可  
為即為之与未可為而當少需為者无咎无之无時无之无入  
无之聖人視坎之乾下有進而遇險當少需之象故名卦曰需  
又分為六爻繆陳吉凶以遺後世故君子臨事一日不可无易  
也需之時二陰作難陷一陽於艱險之中彼一陽者又剛健中  
正可輔以有為在下三君子同德比義力可以救雖被髮纓冠  
而往救之者可也豈當以躁為戒耶湯武可輔故伊尹太公望  
之徒奮然興起後世不以為躁東漢桓靈昏弱難輔三君八俊  
不顧成敗出搢大禍固深可痛悼然亦李固輩有以自取也三  
陽或言吉或不言吉凶皆有深旨九三致寇近災若瀕於危殆  
者然天下事隱忍不斷則利害不決雖聖人亦不得已而為之  
湯武是也書曰紂克予唯予小子无良聖人固未嘗以万全自  
予抑亦敬慎其事庶幾不致於敗事而已二陰者四陽需時以  
治之之人也坎陷也猶六也四在坎前為出穴六在穴後為入

穴小人愚不見成敗敢以其陰柔之質出穴以抗二陽故傷傷而後聽從小人之情固如是也六退於五後不敢當三陽之進比四爲无罪君子度其无能爲不足慮則亦捨之而已上因之而吉也王輔嗣之享獨行八百餘年近有伊川然後易與世故通而王氏之說爲可廢然伊川往往捨書求易故時有不合又不曾通一卦之辭以觀其全每求之於爻辨離散之間故其舛誤十猶五六甚可惜也區區之見如需於說文繁不及其說意足下詳其說苟无大叛於理宜即需以求其餘求而不得不若姑從伊川而已无鑿其成理以自異於先儒其善

荅晁子止論易書

縉雲先生

某蒙以廣傳示誨伏讀深研及弃其鄙見曲說以從精當之旨者非一條矣獨一二義有可疑者輒具疏所以上渚登聽又辱矜憐不以其終不可告語詳說指味俯迪泰真披味至言欣屏何已孔子曰吾与回言終日不違如愚然則教者之心亦欲人

於問答之間時有違異然後相与超其深思故開益之餘雖天  
反其一二以須卒教之也履言柔履剛以六三又言說而應  
乎乾以允乾二卦言敬聞命矣但履履虎尾不咥人之亨繇時也  
彖所以釋之今引彖以配繇為二似非近釋繇之意若作柔履  
剛說應乾是以雖履虎尾不咥人而亨其亨如何履帝位而不  
疚者亨之事也如此統彖以歸繇於理為順蓋五居尊位秉承  
皆剛其應亦剛宜其過剛則病彖申言柔履剛說應乾故履帝  
位而不疚光明者履之所以為亨也漸之得位指五而言蓋孔  
氏舊有此說今重辱疏示以直主於五則凌節跳等非漸之義  
謹受教然一二讀之間得位其位便有二義猶似大鑿幸更入  
研思也艮言不獲其身為在我不見其人為在物理誠甚明然  
廣傳之作以示无窮今大判其渾全之卦使後學先以致其思  
非傳遠之道某獨舉以止義者非謂止於一曲也天下時事有  
可為与不可為者聖哲於此行其所當行止其所當止者而已



艮也者止其所當止云耳而彖并論行止動靜者蓋行止一道  
也可行也聖人以其止者行可止也聖人以其行者止行止繫  
於時事者不同變通存於聖人者无二故并論行止動靜然後  
可以及艮止之義愚意以謂捨物我而繫以止義則行在其中  
可以粗喻微言於簡約矣再三之瀆伏紙汗下同台旃啓行即  
趨道左瞻別卒聽其是否也

荅徐得一書

橫浦先生

來書論仁益見存養甚矣吾子之好學也然不共苗者固非好  
學而揠苗者亦非善學也故解緩者謂之无志而急躁者急在  
自期仁乃聖門第一語不存養數年而欲求達於一日之間是  
以易心窺仁也前日已面語左右矣來書弟以處已接人駕過  
仁字要之仁果何物耶至於克己復禮之說區區所聞於左右  
者於公何補焉切哉潛心默識以歲月求之忽有得焉願見教  
新刊 國朝二百家名賢文粹卷第百十二

新刊 國朝二百家名賢文粹卷第一百十一

書

師友問答十四

答李樗書

橫浦先生

某啓未及披識遽辱惠書且審初冬起居佳勝某調養不  
通水火不復如昔者與士子游而來書云爾傳之者甚多  
惠餘生耳目昏聩口面喎曳去死無幾耳舊學荒廢頃失畦徑  
吾子好學如此益以重僕之愧耳然學問之道無他求其放心  
而已矣非止於務博洽工文章也內自礪磨外更切磋以求此  
心心通則六經皆吾心中物也學問之道無過於此此僕聞之  
於先生長者今老矣尚記憶焉輒以告吾子若乃難疑質問僕  
老且病無以副吾子之勤幸加察焉正遠保愛

荅李濟川書

西山先生

濟川足下辱書累千百言其辭甚盛其意甚寵在濟川為謙下

之德在博不敢當也博昔游益昌濟川在漢中孰聞濟川之賢  
博既免劍外之役求此官自効或謂品邑遐陬霧露之毒風雨  
之災非人境也博自念平生多不堪欲杜門却掃不見世人雖  
囚山居夷何恨由余趙他皆天下士尚自竄異域況其下者聞  
丈人已開府吾濟川在旁得師如丈人得友如濟川足以為遇  
既至此其岑寂鄙陋之風過所聞顧能安之不覺日月之成歲  
也丈人恩義非所蒙尚以未從濟川遊為念其故皆濟川所自  
叙復何道濟川與博未相接而推許太重似欲俎豆於前輩諸  
公間負負先以自辨博不肖不自知其驚蹇妄欲以文字規摹  
古人少嘗有志矣今老且病氣象索然迄無成功獨此心尚在  
耳今之文其猥近俗下者不論至能自傲昂者務以奇恠為功  
曰古文也其法如此嗟乎所謂古文者當爾耶易曰公用射隼  
於高墉之上孔子之訓曰隼者禽也弓矢者器也射之者人也  
蓋易明曰如此故曰辭達而已矣韓退之以文章自負言其

少時莊二代兩漢之書不敢讀非聖人之志不敢存使然以為  
憂憂乎誰合矣至年益高學益成則曰文無難易唯其具耳夫  
退之之是孔子之達也文至於是辭至於達無餘事矣且乎易  
明白者也非奇怪者也齊川極意於此尚勉之或博羸賴就死  
無能為矣歲晚陰雨泠泠甚思相與一笑作樂行且圖之

荅王子儀書

箕山先生

古者莫不有師為學為國為弁為追為舞以至罇鍾笙磬弓矢  
車輿亦皆有之其在成周之時皆為之設官况其上傳道授業  
將學而為士者哉由秦漢而降唯置博士負他師之官並廢他  
師之官廢而私傳習者不替其博士反止存其名學者不即焉  
往往各自講問於閭巷之間如漢之太史載於儒林者類非出  
於所置博士也聖人之道因之離散無以一之於是蘭陵之為  
易者知孟喜不知東萊之賈直濟南之為書者知伏生不知魯  
之孔又國魯之為詩者知申公不知燕之韓嬰齊之轅固齊之

為春秋者知胡毋生不知瑕丘之江公也今凡為博士者自謂財利不征於其躬簿書不關於其前吾唯安坐而食爾著弟子之籍者又曰非有事於學吾退而目其廬嗚呼師弟子之失其職其亦久矣某念此方愧且懼忽承足下率先裁書見過無不有感於僕所不者將責僕以古之道而不欲博士者徒存其名坎某切恐不勝足下之責也雖然苟有問焉某敢距其請而不應蓋其有而不陳乎於聞有疑執經以來當與足下商之所謂非足下有得則僕得矣不宣

荅孫叔豹書

箕山先生

甚矣世之不用其誠而切瑳琢磨之道熄也故自某來此多有以文見贄者率以譽而不以規固已不樂而切瑳居廬庠者登乎四百之數豈無一直而諒者耶及今得足下書讀其言誠若友之益者也然以韓退之蘇子瞻望僕則規非其倫焉足下之言曰退之子瞻其過後進之士擇之也精與之也

寡然後足重而僕泛泛然不置衡尺於曾中視弄其辭  
咳垂比來則應之應之愈多則不足爲重焉設或位隆於  
今則來者日衆應之有所不合是又不可繼焉僕乃知足  
下於二先生第能推尊之豈於其行事弗之考抑藏之而  
不言姑以是激僕也歟退之蓋嘗自言來者不可不以誠  
荅雖衣破衣繫麻鞵無大知識如呂鑿山人者初未嘗悉  
天下議已而金玉其音也子瞻在彭門則見張山人在  
安則見古生馬生與夫賣藥之郭子沽釀之潘子李委  
以笛見其在鵝城僭耳則有黃洞黎子雲符去矣翁於斯  
數子者咸爲賦詩蓋如足下所謂至其門者皆得以相授  
者焉惟夫庸庸者且不遺則卓犖自名者固取之矣足下  
但見退之之得張籍皇甫湜李翱子瞻之得黃魯直張文  
潛秦少游及吾從父無咎而不知其求之於衆也蓋自吾  
孔子其於人也必汎愛焉雖有斐然狂簡之子亦思有以

裁之成就其為賢未聞其絕人也故孔子之後獨有子張者知之子夏猶不也子夏之與可者拒不可者未若子張之尊賢容衆嘉善而矜不能焉故大賢則無所不容矣足下何不為孔子子張之孝而遽欲為子夏之隘乎若曰來者衆力所不給則非所當憂也譬之鍾焉大叩之則大鳴小叩之則小鳴鍾豈以為勞哉昔者燕有負千鈞之弩而至魯者魯之儒見其張然憂其力之不勝而絕矰折脅以死其負弩者見魯之儒操觚而書執牘而吟亦憂其不自休將唇腐而手敝何則各以其不習者觀之也足下吾之徒也何為憂吾力之不給哉足下朝夕決科不但繼僕所為職行遂外乎通顯之位士方有望焉其無以是為念不宣某再拜

荅朱元晦書

南軒先生

示及諸君操合出入之說呂子約所論病痛頗多後一說亦頗

得之然其間似未子細按孟子此章首以牛山之木爲喻又以  
夜氣爲說而引孔子之言爲證以明人之不可不操而存也心  
本無出入然操之則在此舍之則不在焉方其操而存也謂之  
入可也解卦乃其舍而忘也謂之出可也非心出在外蓋無時  
不見乎此也者言其乍入乍出非入則出也莫知其所止也此大槩言人之  
心是如此然其操之則存者是亦可見心初未嘗有出入也然  
則孝者其可不以主一爲務乎呂子約之說既誤以乍存乍亡  
爲感之用而後說如謂心之本靜不可以存亡言此語亦未及  
存亡相對雖因操舍而云然方其存時則心之本靜固在此非  
又於此外別尋本靜也子約又謂當其存時未能察識而已迂  
動是則存是一心察識又是一心以此一心察彼一心不亦膠  
擾支離乎但操之則存操之之久且熟則天理寔明而心可得  
而盡矣



仁之說前日之意蓋以為推原其本人與天地万物一卦也是以其愛無所不至猶人之身無分寸之膚而不貫通則無分寸之膚不愛也故以惟公近之之語形容仁卦最為親切欲人卦夫所以愛者言仁中蓋而以所言愛字只是明得其用耳後來詳所謂愛之理之語方見其親切夫其所以與天地一卦者以夫天地之心之所存是乃生生之蘊人与物所公共所謂愛之理者也故探其本則未發之前愛之理存乎性是乃仁之卦者也察其動則已發之際愛之施被乎物是乃仁之用者也卦用一源内外一致此仁之所以為妙也前日所謂對義禮智而言其發見則為不忍之心者非謂禮義智與不忍之心均為發見正謂不忍之心合對義禮知之發見者言着惡辭讓是非之心是也今再詳不忍之心雖可以包四者然据文勢對乾元坤元而言恐只須曰統言之則曰仁而已可也或云天地之心并皆則元為善之長人之心共懷亦有四前日所謂元之義我不專主

於生物者疑只云生物說生生之意不盡今詳所謂生物者亦  
无不盡者矣在中之義程子曰喜怒哀樂未發只是中也蓋未  
發之時此理亭亭當當渾然在中發而中節即其在中之理形  
事事物物之間而无不亨也非是方其發時別爲一物以主張  
之於內也情即性之發見也雖有發而未發之殊而性則无內  
外耳若夫發而不中節則是失其情之正而淪其情之理然能  
返之則亦无不在此者以性未嘗離得故也不識如何

再答元晦書

司前

拭幸相安不敢廢學惟相去之遠每思講益殊不勝情耳近而  
書中所講再二詳之如中庸章句中所指費隱雖是聖人尋常  
亦有說費處說隱處然如所指却有未免乎牽強有恐此數段不  
必如此指殺拭方亦草具所見更定異同處俟更研究後便編  
寄也仁說如天地以生物爲心之語平看雖不妨然恐不若只  
云天地生物之心人得之爲人之心似完全如何仁道難口性

公近之然不可便以公爲仁又曰公而以人辨之故爲仁此意  
指仁之辨極爲深切愛終恐只是情蓋公天下而无物我之私  
焉則其愛无不溥矣如此看乃可由漢以來言仁者盡未嘗不  
以愛爲言也固与元晦推本其理者異然元晦之言傳之亦恐  
未免有流弊耳幸更深思却以見教中庸集義前日人行陳附  
去不曾校得後見臆本錯誤處多相自改正也序文更幸爲修  
括其間有云若橫渠張先生則樹与上下講論者也本作合志  
同方者也不知如何如此未穩亦幸爲易之剡樞再帥此間人  
情頗樂之今次奏事所以啓告与夫進退之宜想論之詳矣因  
其迂兵行附此一紙它俟後許

再答元晦書

同前

通鑑綱目想見次第甚有益於學者也垂諭胡致堂所論五三  
不誅武后事偶无別本在此檢得然大綱記得其說武后誠當  
誅畢竟既立其子難誅其母如來教所云至於子奪父重之間

不過告子唐家宗廟廢置幽顯之耳然以中宗之昏庸其復之  
非反手耳亦豈是長策以杜愚見五三若有伊周之見則當時  
復唐家社稷何必須立中宗中宗雖是尊爲武后所廢然嘗欲  
傳位与后父是其得罪宗廟不可負荷已自著見五王若正大  
義於唐家見存子孫中公選一人以承天序告于宗廟誅此老  
嫗則義正理順唐祚有太山之安矣試思之如何不復夢見周  
公章恐只當從程子之說夢寐之間亦思念周公之事如見其  
人然猶云見堯美牆之類也若謂真見周公於夢周公不可見  
而見之夢而有妄恐非聖人之心也若謂堯美牆是世上真有堯美牆說非是也何有  
於我哉枳後來只改作何獨我有之之意程子所謂使學者勉  
進乎此者也若如向來所謂尹子之說孰能若孔子者哉終恐  
非聖人辭氣耳近晦叔理會及假而不歸焉知其非有謂雖使其  
又假不歸亦憎不知非已物枳恐孟子之意爲此言却是開其  
自新之路曰焉知其非已有也謂至其能以假而不歸雖未敢

使謂其能有之亦安知其非已有乎辟氣蓋字全也如何九月  
間曾拜書送城南圖并錄小詩去且求書樓大字不知曾達否  
都不見來書說及耳書樓已成只是三間字稍大於月榭可也  
願早得之

荅陳平甫書

同前

某自幼侍親來南周旋三十餘年間又且伏守墳墓于衡山之  
下是以雖為蜀人而不獲與蜀之士處以親友其仁賢每以是  
念往歲得建安魏元履書始知足下之名且聞廷對所陳大略  
念足下天資剛毅人也恨未之識耳雖然世固有天資之美者  
苟不知進乎學則終身安于其故而己蓋氣質雖美而有限天  
理至微而難明是以君子必貴乎學也近得猶子然書復聞足  
下超然拔出流俗志於古道孜孜不舍則又歎足下於世衰道  
微之際能獨見自立如此其進也何可量則願見之心益虔今  
得足下書并所論若有連緘累牘伏而讀之无非以討論問學之

事而果有以知足下之所存甚幸甚惠惟是不以僕為不敏  
欲与之共講斯道而勉為君子之歸固所願者若夫推予期待  
之過其實則非所敢當也僕自惟念妄意於斯道有年矣始時  
聞五峯胡先生之名見其話言而心服之時時以書質疑求益  
辛巳之歲方獲拜之于文定公書堂先生顧其愚而誨之所以  
長善救失蓋有在言語之外者然僅得一再見矣而先生沒自  
爾以來僕亦困於憂患幸存視息於先廬細繹舊聞返之吾身  
寔識義理之所存湘中二三孝者時過講論又有同志之友自  
遠而至有可樂者如是又五載而上命為州不得辭繼為尚書  
郎猥以贛言誤被簡遇遂得執經入侍且預都省下士誠欲自  
竭庶幾以報而幸力不充迄亡毫髮之補歸來惟自省厲蓋愈  
養已偏之難矯聖孝之無窮而存察之不可斯須忘也謂以木  
石之聽之終和且平之章思欲與海內賢士切磋琢磨庶幾卒  
以無負初志然則自治之不暇又烏能有益於人哉念辱足下

方里盛意則亦不敢隱耳蓋道之不明久矣自河南二程先生始  
得其傳於卒有余載之下今二先生之言雖行於世然識其真  
者或寡矣二先生之言凡以明孔孟之道而已孔孟之道其博  
渾高明雖曰配二儀之无疆然其端豈遠於人心而欲求哉  
人病不能推而充之耳世之聞二先生之言而驚疑切怪者固  
不足道而其間有慕高遠者則又僅悅虛矜而不循其實亦為  
失其真而已切攷二先生所以教學者不越於居敬窮理二事取  
其書返復觀之則可以見蓋居敬有力則其所窮者益精窮理  
浸明則其所居者益有地二者蓋互相發也為仁之要孰尚於  
此卒而不知其要則泛濫而无功二者言之雖近而意味工夫  
无穷其間曲折精微惟能用力者當漸知之耳外高自下陟遐  
自迓務本循序而進又自有所至不可先起求成之心起求成  
之心則有害於天理孔子之所謂盡孟子之所謂正者政此病  
也區區誦其所聞言不尽宣惟願足下毋忽於卑近以卒至於

遠大則幸甚幸甚別紙所諭亦各以鄙意批呈未知然否自尔  
既定交於万里之外則不惜時惠意有歲有誨有得有疑一二  
詳及勿為无益之書所願望也

荅陸子壽書

同前

某聞昆仲之賢有年矣近歲得之為尤詳每懷願見以共講益  
歟然相望而未克遂向往可知忽辱枉教三復每義有感於中  
弟惟孤陋不足以當盛意也然而不敢以虛來貺講學不可以  
不精也毫釐之差則其弊自不可勝言者故夫專於攻索則有  
遺本溺心之患而驚於高遠則有躐等憑虛之憂二者皆其弊  
也考聖人之教人固不越乎致知力行之大端患在人不知所  
用力耳莫非致知也日用之間事之所遇物之所觸思之所起  
以至於讀書致古苟知所用力則莫非吾格物之妙也其為力  
行也豈但見於孝弟忠信之所發形於事而後為行乎自息養  
聯存以至於三千三百之間皆自合内外之實也行之力則知愈



進知之深則行愈達區區誠有見乎此也如箋注詁訓學者雖不可使之溺乎此又不可使之忽乎此要當昭示以用工之實而尤忽乎細微之間使之免溺心之病而尤躐等之失涵濡浸漬知所用力則莫非實是也凡左右之言皆道其用力之實也故樂以復焉聖上聰明不世出其難逢之會所恨臣下未有以仰稱明意大抵後世致君澤民之事業不大見於天下者皆吾儒講學不精之罪故臣區區每願從世之賢者相與切磋究之而感意之辱欣幸至于再三也元晦卓然特立真金石之友也然乍別十餘年矣書問往來終豈若會面之得尽其底裏哉伯恭一病終未全復深可念向來亦坐枉費心思慮多耳心之精微書莫能究布復草草止惟亮之

荅直夫書

目前

甚矣學之難言也事體之差則流於詖淫邪遁之域生於其心害於其政發於其政害於其事可不畏歟世固有不取異端之

說者然不知其說乃自陷於異端之中而不自知此則卒之不  
講之過也試舉夫理人欲二端言之孝者皆能言有是二端也  
然不知以何爲天理而存之以何爲人欲而克之此未易言也  
天理微妙而難明人欲洶湧而易起君子亦豈無欲乎而莫非  
天命之流行不可以人欲言也常人亦豈無一事之善哉然其  
所謂善者未必非人欲也故大孝之道以格物致知爲先格物  
以致知則天理可識而不爲人欲所乱不然雖如異端談高說  
妙自謂作用自在知孝者親之皆爲人欲而已矣孟子析天理  
人欲之分深切著明如去今人乍見孺子匍匐將入井皆有怵  
惕惻隱之心非所以內交於孺子之父母也非所以要譽於鄉  
黨朋友也非惡其聲而然也蓋乍見而怵惕惻隱形焉此蓋天  
理之所存若內交者要譽惡其聲一萌乎其間是乃人欲矣  
雖怵惕惻隱蓋其苗裔發見耳由是而躰認其所以然則有  
以見大射而方里可窮也內交要譽惡其聲亦卒一隅使孝者

推之耳。用之間精察不令則工夫趣味將有非言語可及者。其愚以所從事者有在是願高明紬繹而反復焉庶幾有其益也。念元以復來意不覺多言伏紙悚哉。

答李雲書

箕山先生

辱告以三代李者有所爲道德性命而來僕誨焉足下知志於李而未知要自有守爾蓋不六藝之問而及於性命道德之遽乎傳曰李不踰等故孔子告伯魚者必李詩必李禮豈不有次第哉其性尚天道則子真有不克聞者焉惟數十年來李士大夫始喜竊異端以亂德言擴前脩而李新說每語人曰吾之所李者惟其道德而已矣其惟性命而已矣然有方窺諸章句訓詁而未及通望其道未得其所由或得諸子之末流其近似而非者好之始猶諱其名或問之則對曰固聖人云耳既久則顯爲孔氏之弃而爲諸子之歸矣嗚呼李者幾何不之楊之墨耶敢因足下之感而陳其本昔者孔子之道傳于曾子曾子之後有

子思子思以所得者為中庸四十有九篇其言性命也擇于今者財一篇而已其旨明白而易究闊大而不詭足下果欲此之孝其亦尽心於六藝又則自有得矣不宣

荅楊秀才書

方舟先生

示書併有所教不勝慰喜六經論似不必僕更作作之非以好奇立異也正思漢儒以經專門黨同伐異分裂天地之全耗數大道之純而不能以相一流為今世舉子之孝其无用僕優正可一笑則又甚於漢人之說經者比僕論所為作也若夫好古道脩古孝知古文如君礼者庶幾共之或有所見僕願受教矣其他強事人嫌難如尋常舉子碌碌千百輩門戶窟穴白首一經尚且了不徹何暇及古道古孝古文乃敢妄議前輩事如君礼作詩以曉譬之彼未必理會得况僕論乎老泉知之近世張益州知之其他以六經著論多矣未必尽如二公渾然合六為一也古固有易未重也謂易詩春秋出周人唐虞夏商无易詩

春秋乎二禮與書出於漢人二帝三王乃无礼樂与書乎韓宣  
子所見爲何書孔子何取而作六經解也經則道道則天天有  
二乎六經之施於天猶一人之說天若不繫六爲一支離多岐  
者愈益不得其說而道真泯喪矣楊子曰說天者莫辯乎易僕  
曰說天者莫辯乎六經可乎餘人知楊子之說而不知僕之說  
此止可以發喁也所寄詩多奇趣更宜勉收筆墨入規矩科場  
之用如君礼特欠一第他日一線路出甕口七縱八橫儘有用  
處勿遽勿遽側近亦有過從士友乎村糟說村話亦可為時節  
雞豚之好亦不惡餘以力乏自愛為請兩編却還去老倦及患  
何暇與人說閑文字閑是非亦甚厭聞之恩除叨竊垂愛慚荷  
不宣

新刊 國朝二百家名賢文粹卷第二百十四

書

擬古書

代伯益上夏啓書

雷夏先生

伯益言臣與先帝比肩事堯舜在二十二人之數先帝以老目  
爲賢以天下授臣臣德薄力寡不足以當之且知天意人事盡  
歸于吾君矣今君身臨大寶手握神詔老目得伸一言以爲禪  
益哉夫天下者非一人之天下也天下之天下也治之得其道  
則民輔之失其道則民去之民既去又孰與同其天下乎故帝  
堯不授于子而授于大舜大舜不傳于家而傳于先帝蓋恐失  
道而民去矣是知親一子而不能子兆人成一家而不能家六  
合聖人之用心也如是先帝得之雖勤吾君繼之勿忘其勤臣  
恐失大寶而毀成器也先帝力拯橫流爲民粒食得九疇是九  
州乘四載距四海樹風沐雨奠山濬川却昏墊之憂平水土之

惠以父殛而是念聞子太而不名然後六府孔修四隤收宅興  
播殖之利定貢賦之差德兆熙熙以成淳化是以授禪而有天  
下可謂艱難矣及其在位也卑宮室惡衣食見罪人而泣聞昌  
言而拜故能會諸侯於塗山執玉帛於萬國可謂勤儉矣今吾  
君得不思其艱難乎念其勤儉乎且創業者易守文者難始則  
苦于焦勞終則流于逸樂今君生居帝宮坐即天位勿謂家傳  
之勿謂已有之且惕惕而懼其失也矧乎人無所親親于有德  
人無所懷懷于有仁苟不肖而毀先業亦為巨羞吾君以巨言  
為何哉聽用之則銘于按凡可也罪咎之則斥於菴齋可也庶  
幾吾君朽骨泉壤見先帝而無愧色矣斯言非佞君其念之巨  
益頓首

代留侯與四皓書

雷夏先生

蘇丞相留侯張良謹裁書遣使致于商山四先生侍者蓋聞有  
天地以來聖人曰軒轅有崆峒之請又曰帝堯有箕山之讓况

乎風移世變民澆化漓北面而為臣者乎有國家之未史智慮  
所不及得不資取于賢士哉先生抱大道藏大器榮辱之事出  
于身外興亡之理了于掌中膠漆雲泉沍滓爵位瓊林瑤池以  
遊以息雲漿霞饌以飲以食芳君桂父先生之交也青鸞紫鳳  
先生之駕也龜亡鶴天神氣愈清桂朽椿枯童顏未改万乘不  
能屈其節千金不能騁其才真所謂神仙中人風塵外物然而  
歷觀古之聖賢未嘗不有意於民也故隱見隨其時諱默得其  
所進則為天下之福退則為天下之亂在暴秦勃興荼毒華夏  
猛虎擇肉密網凝脂君德甚于虎狼人命輕于草木先生知國  
不可輔民不可化拂衣高蹈遁于山林其隱也可謂得其時矣  
今皇帝奮布衣提利劍撥大亂定大難起龍虎於豐谷會雲雷  
於泗濱席卷亂秦電掃強楚可謂英雄矣既而革秦之暴繁秦  
之緒定覆盆之固成垂拱之風唯於諸嗣之間忽有廢立之義  
臣下股慄弗敢違寧良為漢同起于草莽間始五六年經七十



戰出奇畫策未嘗有一事見違唯於此時言不獲用掉三寸舌  
為帝者之師封方戶侯乃布衣之極敢于此際愛死不諫乎蓋  
應死而無益于國事矣至又聞古之天下者禪讓于賢今之天  
下者封植其子亦已德薄于古矣苟不選擇賢能樹嫡立長能  
無毀宗杜乎今太子為人元良立事貞固少海流潤府留震嚴  
三善克隆百技無爽帝欲廢而不用天下失望愕然先生于此  
時可下有意于民哉良願先生出雲關開岫幌駕玄鶴馭金虬  
俯降殿廷辱對旒冕定天下之惑使君上之疑隱見言默之道  
豈獨羨于昔賢耶以凡于聖人之所議望先生無輕輟杜轡之  
虞設函一披則萬國幸甚良頓首

代韓退之荅柳子厚示浩初序書

廣陵先生

子厚足下相別闊久時得南方人道譽盛德甚相為慰使又聞  
得子厚文皆雄辯強据淵源衍長世之名文者多矣未見加子  
厚右者也其間亦小有務辯而屈理超文而背實者然若之立

言者未必皆不然亦說詩者不以文害辭之一端也愈此置之  
近有傳送浩初序來者讀而駭之不知真子厚之作否也雖然  
子厚素有之宜真子厚作然反復讀之亦駭而疑又恐非子厚  
而他人作然也不然何子厚見禍太甚邪來序稱浮圖誠有不  
可斥者往往與易論語合其於情性顯然不與孔子異道雖至  
大復生不得而斥也子厚亦不思哉夫易自乾坤以及未濟皆  
人道之始終聖賢君子之出處事業至于次第配類莫不倫理  
故孔子原聖人設卦之因而系辭之則首曰天尊地卑乾坤定  
矣卑高以陳貴賤位矣之類是也其中則曰有天地然後有萬  
物有萬物然後有男女有男女然後有夫婦有夫婦然後有夫  
子有父子然後有君臣有君臣然後有上下有上下然後禮  
義有所措夫婦之道不可以不久也故受之以恒生器莫若長  
子故受之以震又其下曰曰漸女歸待男行也歸妹女之終也  
而皆不若浮圖氏棄絕君臣拂滅父子斷除夫婦之說妄論語

二十篇大率不過弟子問仁問政問為邦問患盜之類尔至于問鬼神與死則皆曰未能事人焉能事鬼之類又非若浮圖氏誇誕牽合以塗翫天下而云也不識子厚謂為與易論語合者何哉借如其中有萬一偶竊吾聖人之言則君子者遂不思其患而崇好之邪是猶救禁跖之誅以耳聞而目見有類乎堯也孔子曰如有周公之才之美使驕且吝其餘不足觀也已况又去父子夫婦而無一於周公之美者邪且子厚謂愈所罪本姦者跡也而不知其石中有玉者不知子厚之學果中與跡亦異耶夫然子厚心仁義而手拔劍以逐父兄謂其為跡則亦可邪子厚亦患愈在浮圖以夷反為之說曰將友盜跖燕來而賤季札由余也嗚呼子厚又不思矣哉昔者孔子作春秋諸侯用夷札者夷之若杞侯驪子是也若愈不得在浮圖以夷則孔子亦不得在杞子以迹而不思其中也至如孔子者其取舍猶不免子厚之過耶又不知子厚謂季札由余者豈有浮圖氏之捨

君臣父子耶不然則否也俞嘗探佛之說以擬前世盛德者而  
皆無一得也若堯舜孔子者皆佛之甚有罪者也以智者觀之  
不知堯舜孔子果當然邪不然佛妄人也自孔子死千數百歲  
唯孟子卓然獨立今讀其書則皆教聖人興利除害驅龍蛇除  
鳥獸斷殺牛豕大豕以養老作生祭死其大不與佛合者則若  
君子之親親而仁民仁民而愛物以堯舜之知而不偏愛物者  
急先務也以堯舜之仁而不偏愛人者急親賢也不能三年之  
喪而總小功之察放飯流啜而問無恥使是之謂不知務以是  
言之是孟子又異於佛而得罪也甚矣且不知子厚之讀堯舜  
孔孟之書也將讀而尽信之耶抑徒取其一二而弃其千百也  
不然則孔佛之不相為容亦已較矣何獨子厚能容之也俞嘗  
觀士之不蹈道者一失於君則轉而之山林群麋鹿終死而不  
悔者至有負石而自況者以君子觀之是皆薄于中而急于外  
者矣惜夫何至是哉今子厚雖不幸損于朝乃亦不能自寬

存以至於陷是狄而不悔也薄于中而急於外在盛德雖不當  
然然智者觀之不得無過也必求其不受官不爭能樂山水而  
嗜安閒者則浩初之心尚何字如一作於樂麋也心溺於虛高之  
言而遺於人倫之大端其比於負石沉河者孰得哉俞管笑今  
人之謂有智作解者謂毀釋氏釋氏非毀之也釋氏之器然舊  
完而暴殲之謂為毀也可矣其從來不為器者是自然耳豈人  
毀之耶是皆不知道者之言也自釋氏之說入中國流數千百  
年其徒樹其說而枝葉之者衆矣烏知其有不取此以假彼者  
耶况又玩其說者常名儒也孟子謂失人豈不仁於山人者豈  
盡無意邪正謂是也使佛之福可求其言可信其教等於堯舜  
孔孟而或上之則君子者當先衆民而孝且行之矣伐彼善而  
固為我異謂愈肯自為之耶雖然子厚猶謂愈為之也子曰道  
不遠人為釋氏者竟不遠人邪謂為聖人不得开者果信然哉  
石中之玉信何如也愈白

代曾參答弟子書

公是先生

魯白諸足下聞吾黨之士思夫子而莫得見也以有子之親以  
夫子欲假設其位以夫子師之諸足下必其然乎否耶吾試爲  
諸足下陳夫子之道以爲斷諸足下知天之有四時乎春能生  
物而不能長也夏能長之而不能成也秋能有成而不能斂也  
斂之者其在冬矣自生民以來有大聖德居大聖位而作法以  
濟世者類不過八九三皇經始之五帝續明之禹湯文武該治  
之周公祖述之經始之者春也續明之該治之者夏也祖述之  
者秋也天恐斯文之中未有以折衷乃生吾夫子於衰亂之世  
前聖之所未立者俾夫子立之前聖之所未作者俾夫子作之  
上規聖明下救淪壞垂之百王而不變稽之千古而不疑雖百  
周公百堯舜復出於世亦无以過夫子也是夫子於列聖有成  
歲之功也是列聖不能斂而夫子斂之也吾以謂夫子之道江  
漢以羅之秋陽以暴之皜皜乎不可尚矣吾與諸足下共所識

幸而生於時得以登其門望其堂而傳其道以光榮其身吾  
與諸足下猶衆无名之星也夫子猶日月之明也以无名之星  
依日月之明雖積累數方吾未見其可況一焉而已乎諸足下  
奈何乃不察於是也天則有一冬而足下有二冬乎苟有子外  
夫子之席而吾與諸足下趨進于左右敝衣而立負牆而請當  
是時有子能勿愧乎吾有以知彼之必愧也吾儕有所問而不  
能答有所辨而不能斷譁然而往默然而來鏗然而叩寂然而  
應是時有子能勿慙乎吾又知彼之必慙也昔者吾友子淵實  
有聖人之德不幸短命前夫子而死使子淵尚在而設於天子  
席吾猶恐夫子之不吾信也足下有子之道義孰與子淵德  
明而仁脩孰與子淵夫子稱而嘆之孰與子淵達夫子之道而  
鄰夫子之性孰與子淵是數者皆無一可而獨以其容兒之似  
而欲外師之席竊師之名不亦難乎夫容兒之似者非獨有子也  
陽虎亦似矣如欲其大似則當以陽虎爲先奚先於有子哉諸

足下果何欲耶復欲睹夫子之容乎復欲聞夫子之道乎如止  
欲睹夫子之容則圖之可也木之可也何必取弟子之似者以  
僭其稱而悖其位如必欲聞夫子之道不可以苟而已也且吾  
聞之師其道不必師其人師其人不必師其形如欲師其道則  
有夫子之六經在詩可以見夫子之心書可以知夫子之斷理  
可以明夫子之法樂可以達夫子之德易可以察夫子之性春  
秋可以存夫子之性是之弗務而假設以爲尚此吾所以痛悼  
而不敢知也且昔夫子果何師哉師堯舜者也師文王者也師  
周公者也惟曰師其道而已未聞其假設而師之則似堯舜者  
似文王者似周公者終身而不得見矣苟不見其人則亦弗師  
其道乎夫麟之於獸也鳳之於鳥也出乎其類而處乎長者也  
不幸而麟以死鳳以亡則亦假設而爲之乎諸足下盍姑止不  
然吾恐萬世之後完口者寡矣死而先知則已如其有知則子  
淵乎路輩將頓自流涕而有責於足下也諸足下宜思之不宜



擬孫權答曹操書

斜川先生

權白孟德足下辱書開示禍福使之內取子布外禽劉備以自  
効書詞勤款雖三尺童子亦曉然知利害所在矣然僕懷固陋  
敢不略布昔田橫齊遺虜漢高祖釋鄭生之憾遣使入海謂橫  
來大者王小者侯猶能引刀自刎不肯以身辱於漢韓信以全  
齊王終束手而歸卒不能死於牖下自古同功一弊之人英雄  
豪傑之士世亂則有胡越同舟之勢承平必遭良弓走狗之悲  
與其受韓信之誅豈若死田橫之節也哉僕先將軍破虜遭漢  
百六董卓僭亂宗朝灰燼陵寢鼓搥故依素術以興義耳傳檄  
天下思得董卓而食之不厭不幸此志未遂無祿早世先兄伯  
符嗣命馳驅鋒鏑鋪周旋江漢豈有他哉上以雪天子之恥下以  
畢先將軍之志耳不意素術亦僭号位行辱義師又同時諸君  
各盜名字伯符提偏師進無所歸退無所守故資其策爲相文  
之業耳不幸有荆卿舞陽之變不以權不肖使統部曲以卒先

臣之志僕受遺以來坐薪嘗膽晝日月之逾邁歎功名之不立  
上負先臣未報之忠下忝伯符知人之明且權先世以兵法顯  
於其有破楚入郢之功權若一旦効諸君有非常之應縱木蒙  
頭豈不墜其家聲哉護自桓靈以來上失其道政由家門官官  
之亂才息董卓之禍復生惟記未誅袁劉劉據天下所恃惟權  
與公劉備二人耳比董卓已鯨鯢天子反正僕意公掃除遺孽  
同獎王室上報天子與宗廟社稷之靈退守瀘國奉春秋朝請  
之節而足下乃有欺孤伺隙之志挾天子之威盜殺生之柄矣  
引曆數陰構符命忽董卓之前鑒指王莽之覆車竊爲足下哀  
之也僕與公有婚姻之舊加之同好相求然竊聞公納版牙邀  
九錫不惟同志失望天下甚籍籍也劉備之興雖少然僕觀其  
爲人雄才大略寬而有容拙於攻取而長於馭人有漢高皇世  
祖之遺風輔以孔明未可量也且其忠義慨然不替曩昔僕以  
爲今海內望惟我二人耳僕之有張昭正如備之有孔明左提

有事以就大事國中文武之事足以委之而見教殺昭與備僕  
豈病狂而足下亦何心哉該曰輔車相依唇亡齒寒僕與備實  
有唇齒相漬之勢足下所以不能取武昌又不能到成都者吳  
蜀有犄角之形耳今使僕取蜀是吳不得獨存也蜀亡吳亦隨  
之矣晉以垂棘屈產假道於虞以伐虢夫滅虢是所以取虞也  
虞公弗知故及足下之意其亦出此古人有言白頭如新傾蓋  
如故夫以身託人必擇所安孟德視僕豈惜此尺寸之地者哉  
特以公未敢恃耳荀文若與公共起艱危一旦勸公讓九錫意  
便憾之使卒憂憤而死矧僕有赤壁之怨雖許尽釋前憾然豈  
敢望公不食其言乎今日歸朝一匹夫耳何能爲縱不見害而  
交鋒兩陣之間所殺過當今其父兄子弟是在公側怨讎已夕  
其能安乎季布數窘漢王及即位猶下三木之令矧足下錄人  
之過忘人之功不能忘文若於九錫其肯赦僕於赤壁乎孔文  
舉揚德祖海內奇士足下殺之如阜隸豈復有受於摧天下之

才智在公上者即殺之矣一失江東豈容後悔耶其言重帶幸勿復再不宜

荅外國書

荅西夏書

范文正公

正月日具位某謹脩誠意奉書于夏國大王伏以先大王歸向朝廷心如金石我真宗皇帝命爲同姓待以骨肉之親封爲夏王履此山河之大旌旂車服降天子一等恩信隆厚始終如一齊桓晉文之盛无以過此朝聘之使往來如家牛馬駝羊之產金銀繒帛之貨交受其利不可勝紀塞垣之下逾三十年有耕无戰禾黍雲谷甲冑壘委養生送死各終天年使堯舜之民爲堯舜之俗此真宗皇帝之至化亦先大王之大功也自先大王薨背今皇震悼累日嘻吁遣使行吊賻之礼以大王嗣守其國爵命崇重一如先大王昨者大王以本國衆多之情推立大位誠不獲讓理有未安而遣行人告于天子又遣行人歸其

旌節朝廷中外莫不驚憤請收行人魏都市。皇帝詔曰非  
不能以四海之力支其一方念先帝歲寒之本意故夏王忠順  
之大功豈一朝之失而驟絕之乃不殺而還假有本國諸蕃之  
長抗礼於大王而能含容之若此乎省初念終天子何負於大  
王哉二年以來疆事紛起耕者廢耒織者廢杼邊界蕭然豈獨  
漢民之勞弊耶使戰守之人日夜豺虎競為吞噬死傷相枕哭  
泣相聞仁人爲之流涕智士爲之扼腕天子使其經度西夏而  
命之曰有征无戰不殺非辜王者之兵也汝往欽哉某拜手稽  
首敢不夙夜于懷至邊之日見諸將帥多務小功不為大略甚  
未副天子之意某與大王雖未嘗高會向者同事朝廷於天子  
則父子也於大王則兄弟也豈有孝於父母而欲害于兄弟哉  
可不為大王一二而陳之傳曰名不正則言不順言不順則事  
不成大王出居西土衣冠語言皆從本國之俗何獨名稱與中  
朝天子侔擬名豈正而言豈順乎如衆情莫奪亦有漢唐故事

雖手可汗皆本國極尊之稱具在方冊其稱大王必以契丹為  
此故自謂可行且契丹自石晉朝有援立之功時以稱帝今天  
王世受天子建國封王之恩如使蕃中有叛朝廷者大王謂為  
霸主率諸侯以伐之則世世有功王王不絕乃欲擬契丹之稱  
究其勢勢昭然不同使廢漢萬民拒朝廷之禮傷天地之仁易  
曰天地之大德曰生聖人之大宝曰仁何以守位曰仁是以天  
地養萬物故其道不窮聖人養萬民故其位不傾又傳曰國家  
以仁覆之以仁守之者百世昔在唐末天下洶洶群雄咆哮日  
尋干戈血我生靈腥我天地滅我禮樂絕我稼穡皇天震怒罰  
其不仁五代王侯覆亡相繼老氏曰樂殺人者不可如志於天  
下誠不誣矣後唐顯宗祈于上天曰願早生聖人以救天下是  
年我太祖皇帝應祈而生及歷試諸難中外忻戴不血一刀  
受禪于周廣南江南荆湖西川有九江萬里之阻一卒而下豈  
非應天順人之至乎由是罷諸侯之兵平五代之暴垂八十年

天下无禍乱之憂 太宗皇帝垂文神武表正万邦吳越納疆并晉虜縛 真宗皇帝奉天体道清淨无為与契丹通好受先大王貢礼自茲四海熙然同春今皇帝坐朝至晏從諫如流有忤雷霆雖死必赦故四海之心望如父母此所謂以仁獲之以仁守之百世之朝也其料大王建議之初人有離間妄言邊城无備上心不齊長駟而來所向必下今以強人猛馬奔衝漢地二年于茲漢之兵民蓋有血戰而死者无一城一將殲掃大王此可見 聖宋仁及天下邦本不揺之驗也与夫間者之訛死乃異乎今天下久平人人泰然不習戰鬪不熟紀律劉平之徒忠教而進不顧衆寡自取其困餘則或勝或負殺傷居多大王國人必以獲劉平為賀昔鄭人侵蔡僕司馬公子焚鄭人皆喜惟子產曰小國无文治而有武功禍莫大焉而後鄭國之禍皆如子產之言今邊上訓練稍精恩威有力有功必賞敗事必誅將帥而一大知紀律莫不各思奮力効命亟義進兵如其不然

臣等可了今招討司統兵四十万約五路入界著其律曰生降  
賞殺降者斬獲精強者賞害者幼婦女者斬遇堅必戰遇險  
必奪可取則取可城則城縱未能入賀蘭之居彼之兵民降者  
死者所失多矣是大王自禍其民也某又念皇帝有征无戰不  
殺非辜雖然師帥之行君命有所不受奈何鋒刃之交相傷必  
衆且蕃兵戰死非有罪也忠於大王耳漢兵戰死非有罪也忠  
於天子耳使忠孝之人肝膽塗地墳墓起魄為好為灾大王其  
可忽諸朝廷以主者无外有生之民皆為赤子何蕃漢之限哉  
何勝負之言哉某与招討大尉夏公經略密李韓公嘗議其事  
莫若通問於大王計而使之重人命也其義利甚衆大王如能  
以愛民為意礼下朝廷復其王爵承先王之志天下孰不稱其  
賢哉一也如衆多之情三議不獲前所謂漢唐故事如单于可  
汗之稱尚有可稽於本國語言為便復不失其尊大也但臣  
竊上國存中外之体不召天下之怨不速天下之兵使蕃漢



人復見康樂无死傷相枕哭泣相聞之醜三也又大王之國府  
用或闕朝廷每歲必有帛物之厚賜為大王助西也又從來入  
貢使人止稱蕃吏之職以避中朝之尊按漢諸侯王相皆出真  
拜又吳越王錢氏有奉制補官故事功高者受朝廷之命亦足  
隆大王之弊五也昨有邊臣上言乞招致蕃部首領某亦已請  
罷大王告諭諸蕃首領不須去父母之邦但回意中朝則太平  
之樂遐迩同之六也國家以曰海之廣豈无遺才有大王之  
國者朝廷不戮其家安如故且善事主以報國士之知惟同  
心向順自下失其富貴而宗族之人必更優恤七也又牛馬駝  
羊之產金銀繒帛之貨有先交易各得其所八也大王從之則  
上下同其美利生民之惠幾乎息矣不從則上下失其美利生  
民之患何時而息哉某今日之言何獨利於大王蓋以奉君親  
之訓救生民之患合天地之仁而已乎惟大王擇焉不宣

月日兄大宋皇帝致書于弟大契丹聰文聖武英略神功奉  
皇帝聞下乃者雍部宿師朔方違命僭稱位号罔念私恩惟鄰  
睦之方脩睦姻聯之且舊遂停討伐更示含容冀增歲用之常  
共議威懷之理尋頒定命已許自新比沐使華倍形書旨乃知  
元昊不恭藩職靡憚親征威輅有行兵鋒暫接納其款附之計  
許以觀見之儀貢獻屢臻德刑具舉仍務頌信敷述還衡載欽  
服叛之仁尤慰締交之素矧兩朝講好從古所无各臻偃仰之  
期均布息民之化繼陳軍非少道勤劬春律暄融天祺摠萃曠  
茲傾係寧磐敷舒容差其官其充回謝國信使

擬答西夏書

穎濱先生

鴻惟祖宗兼覆中外眷爾西夏号為父子之邦依我至仁世  
享爵秩之賜雖服非一而懷柔有常頃朕續服之初深示含  
容之意釋其舊嫌加以新恩而冊命之使方還冠攘之兵已戢  
將吏憤怒卿士獻言請興問罪之師以詰稱亂之故朕念爾在

使未父勢不自由有目弗卒衆則何咎遂命戢兵以俟尋亦款  
塞自歸仍念兵禍以來諸族咸弊其用弃四塞山川之廣界每  
歲費予之豐開懷不疑施德過厚方畫疆而會議忽掃境以乘  
虜再犯誓言專求小利罔念自焚之禍屢出无名之師耆彼遺  
民皆吾赤子姑勅邊吏止為保境之謀亦許兵間勿拒悔禍之  
請今觀所奏良副本心接刃之殃非從我始來庭之順豈不尔  
察然尚託詞鄰邦失誠請之意名求邊壤非款伏之宜蓋中國  
舊疆西蕃故地已有前詔不係可還况復本國前後背誕之餘  
難執向來委曲聽從之命應今來所奏乞除延州塞門塞本非  
所賜已旨揮鄜延經略司依前後朝旨分畫及通遠軍定西城  
東北界見有漢蕃兵民住坐云處已指揮熙河經略司依前後  
朝旨与夏國商量分畫可差官前去熙州議定其餘並依所乞  
仍候畫界了日依舊別進並裏然後當賞歲賜一切復初朕本  
推誠心坦无疑間雖經反覆猶示寬容尚恪守於信言庶永綏

放蕃服

回金國割燕雲地界代三鎮輸賦增幣書

忠惠先生

昨承大統方睦鄰邦雖道里之甚遙聞英安而可想深惟海  
講好先自本朝之謀殆至約日告期同舉燕山之伐親王之  
實在厥初固已脩形載書同守信誓屬疆吏之生事致怨兵之  
速來已誅前者誤國之臣乃辱退舍講和之議戒勅諸將先遁  
歸師復遣行人申諭三鎮適會其民戀土誓死不移致使北方  
構兵迄今未已重傷百姓之命徒失兩國之歡思尋舊盟建  
長策今者不敢愛燕雲已得之地歸此土疆又復代三鎮賦入  
之常增以歲幣載惟亮達深所樂聞

增補國朝一百家名賢文粹卷第一百十四

新刊 國朝二百家名賢文粹卷第一百十五

記

國事記

皇朝龍飛記

趙韓王

周顯德七年鄭王在位正月定州奏北虜傾國入寇朝廷震怒  
初二日帝命澶州節度使慕容延釗率兵北伐是日又命上總  
領大兵北面討伐宣賜金帶銀器鞍馬鎧甲器仗數十万初三  
日上擁衆出愛景門車騎整肅有不可犯之勢宣徽南院使皆  
居闕奉勅安排御筵餞送於郊外大臣樞近祖席相望送行為  
一時之盛先是都下軍民相謠言有扶策之議士庶恐怖扶  
老攜幼寄於他所者不可勝數惟內庭之間晏然不知及啓行  
之日軍律甚嚴都人始安堵日吳師次陳橋驛余時年三十九  
爲歸德軍節度掌書記從軍北征宿於此驛初夜皇弟匡義爲  
內殿祗候供奉官從行忽來謂余曰適人有報驛門外諸軍將

今人傾之未及反列校寺突入余寢所宣譴言曰我輩犯霜雪  
死性命蓋為國家今上无君長功成誰賞我哉衆議令策太尉  
為天子則此致我虜亦不為難余与皇弟及都押衙李處耘各  
以逆順之理曉諭且折之曰強敵寇邊雄師在此爾等甲兵幾  
何便欲扶策天子况太尉一心中赤通於神明若聞此事必誅  
殺汝輩不可草草列校等相顧亦有稍稍引退者良久復集挺  
刃張弓言詞瀟灑皆云太尉功德高於天下我輩營中已有定  
議言說出口言可退而受禍哉理在必聽也太尉親從都來幾  
人虛受殺傷豈能當抵万衆察其情狀頃刻不虞鋒刃交橫勢  
不可遏皇弟與余同聲斥之曰爾等本為上无君長皆欲扶堅  
天子事關成敗成則佐命功巨敗則狂迷叛卒且須穩審何得  
便肆喧嘩遂相率列坐房中聚議余復謂曰此以并寇与犬戎  
結連侵犯封疆諸公此行奉命征討今忽萌此大事北面強敵

使誰支梧不如退殺戎虜功成回日徐圖此事諸校復曰方今  
主幼政令多門若候殺賊回京已懷疑忌乘此无倫便入京城  
策了官家我輩方是有主殺賊未晚若未扶策六師亦不肯行  
余曰皇弟曰國祚廢興盡關曆數軍情如此无可奈何全不問  
量恐成誤失於是皇弟及諸校曰扶策帝王更改朝代雖云天  
命切在人心此際前軍已過黃河宿將咸居節鎮京城若亂諸  
處不惟戎寇交侵轉恐天下多事新君縱立後患不輕不如嚴  
戒軍兵勿令剽掠京城京師不亂諸道自安但能全此功勳可  
以長久富貴諸校等聞勸諭已各識交通皆云只為扶策官家  
固非劫奪財物不公亂開管取安寧上下同心更无異議商量  
既定夜至四更遂差衙隊軍使郭正賀馳騎入京告殿前指揮  
使石守信殿前都虞候王審琦等言聖上以難過軍情即受扶  
策去城不遠即便到來要安衆心免生驚懼諸頭有置各有區  
分事件稍繁重不倫錄將士圍繞守候天明上以相席連綿用



於盃酌酣醉孰睡殊不知軍中之謀漸分曉色四面噉叫震動  
郊野余慮有不測走白事由已見將校數人直入寢閣探甲露  
刃厲聲曰諸軍光主今日策太尉為天子上驚起著衣竟諸校  
便扶出廳事以黃衣加上體脫先不獲兵馬闐咽劍戟滿前皆  
羅拜於庭下萬歲之聲聞于數十里內外騰沸擁迫上乘馬南  
行數里上驚怖未定皇弟叩馬首諫曰此去京城不遠恐將士  
等倚恃推戴之功恣行剽奪反以為亂願賜禁戢上乃勒騎謂  
諸校曰我本奉命北征尔輩自貪爵祿以鋒刃逼我為君王命  
我南歸京師我既從汝矣今復有命汝輩亦當從我乎衆皆下  
馬曰惟命是聽上乃諭之曰太后與少主我嘗北面事之當朝  
權貴与我比肩事主尔輩切不可逼迫宮內有所加害京師士  
庶及諸司各務朝廷之根本尔輩不可輒恣剽劫亦不可驚動  
居民依吾令即當以金帛爵祿為賞不爾則連隊誅戮諸將皆  
再拜稟命六軍長驅至都門秋毫無犯行任肅然皇都百万生

民賴上之一言皆無驚動自古改更朝代未有若此者也先是  
天平軍節度使同平章事侍衛馬步軍副指揮使韓通為京城  
巡檢使虜暴有勇略時人謂之韓瞎眼其子亦有智數每以上  
得望常勸通為不利通以為意意至是上勒兵入城通方在內  
聞聞變惶懼奔歸率眾為僞軍校王彥昇遇之於路躍馬遂殺  
之并殺其妻子上以彥昇專殺大怒欲斬之以受命之初故不  
忍自韓氏之外不戮一人而得天下於是周帝与太后及大臣  
議其去就至歲已間諸校勸進不已輔相樞近相次皆至上見  
之嗚咽流涕曰幸天負地事出不意六軍迫脅我無以處之奈  
何宰相范質等相顧以軍情堅確太后已有禪讓之意王溥降  
階再拜質等咸降階再拜呼万歲周帝詔文武百寮班于崇元  
殿下降手詔曰昨以兵戎入寇邊境震驚遂命討除使期平亂  
屬以方在幼冲勉荷其業雖大臣竭力以扶持然禁旅臨城而  
不進殿前都點檢歸德軍節度使趙御多今月四日部領內外

大軍至陳橋驛軍情忽變天命有歸既務靜於寰區理難遽於  
推奉宜行燭護之事以副億兆之心布告中外當体朕意宣徽  
使引帝上龍蹕聽命再拜宰輔以下策就東階外殿易御服登  
御座受羣臣朝賀是日降詔曰帝王廢興蓋由符命苟人情之  
已去諒天祿之永終宜遵至公式循舊制今奉周帝為鄭王永  
為國賓仍遷於西宮復降詔曰紂二王之後備三恪之賓所以  
示子傳孫典滅繼絕夏商之居杞宋周隋之啓介鄴古先哲王  
實用茲道矧予涼德歷試前朝雖周德下衰勉從於禪讓而虞  
賓在位豈忘於烝嘗其封周帝為鄭王以奉周嗣正朔服色一  
如舊制務遵典禮稱朕意焉又尊帝太后為周太后並遷于西  
宮所司供給務令豐厚詔曰有虞氏禘黃帝而郊譽祖顓頊而  
宗堯祀不止于本朝義必尊於有德著於祭法朕甚慕焉矧惟  
眇躬逮事周室謳謠嶽訟雖云新造之邦廟貌國陵豈忘舊君  
之禮其周朝嵩慶二陵及六朝宜令有司以時差官朝拜祭事

亦爲定式初五日大赦天下明下朕以五運推移上帝授命三靈改卜王者所以膺圖朕之自則微備嘗艱阻當周初車昧從二帝以徂征洎虞舜陟方明嗣君而篡位但鑒一心而事上敢期百姓之與能屬以共虜侵疆邊民罹苦朕寢軫禁旅往殄胡塵鼓旗纔出於國門將校共推於天命迫迴不關欣戴躬躬主以膺數有歸尋行禪讓非庶不可以元主萬機不可以曠時勉徇群心已登大宝昔湯武革命發大誓以順人唐漢開基始因封而建國宜國號大宋改周顯德七年爲建隆元年乘時撫運既協於歌謠及物推恩宜周於華夏可大赦天下應正月五日昧爽已前天下罪人所犯罪已結正未結正已發覺未發覺罪无輕重常赦不原者咸赦除之應貶降責授及勒停官等並爲恩澤諸犯徒假男女人等並放逐便其內外馬步兵士各爲等第優給諸軍內有請小分料錢者特與加等第添給中外見任前任職官並爲加恩文武昇朝官內外諸司副使等

軍都指揮已上及諸道行軍司馬節度副使藩方馬步軍都指  
揮使應父母妻子未有官及未有叙封者並與恩澤士父母未  
曾封贈者並與封贈諸處逃亡限赦到日內仰於所在陳首並  
與放罪依舊軍分收管如出百日不來自首者復罪如初念彼  
愚民或行奸盜屬茲解網咸許自新諸有草寇處仰所在州府  
及巡檢使臣曉諭招喚若願在軍食糧者並與衣糧如願歸農  
業者亦聽取便於戡革故鼎新皇祚初膺於景命變家為國洪  
恩宜被於衆區更賴將相公王同心協力共裨寡昧以致隆平  
凡百軍民深軫朕意翰林李士永旨陶穀行是月契丹之兵皆  
自引退先是民間有得梁朝沙明室誌銅碑記識未來事云有  
一真人在興川開口張弓在左邊子子孫孫万万年江南李三  
名其子曰弘興吳越錢鏐諸子皆連弘字期應圖識及上受禪  
而宣祖之謚正當之始知天命有所歸矣皆以非材預衆軍事  
四顧昌運援筆直書庶使後代知我宋龍興天命自集非人力

也建隆元年歲次庚申三月初十日諫議大夫樞密李士瑋  
金魚袋趙普記

永洛城事記

浮休居士

乙丑歲西客有以求洛事語餘者言初魏謩使來括建言本路  
既獲米脂寨以橫山勢壓拒有州才三舍下瞰唐夏平川千餘  
里皆沃壤可以耕稼為屯田之計今乞於米脂間城永洛屯勁  
兵以抗虜則河南地盡可以耕種靈武孤危不日而復矣朝廷  
遣給事中徐禧內侍李舜卒馳驅至延州就量利害時元豐五  
年七月也禧等至延安与括同相度意合即奏言如括奏議朝  
廷許之然永洛者在宥州之東附橫山之背二面皆重崗峻嶺  
惟路可通車馬蓋虜人必爭之地又城中无井泉唯城外有无  
定河浸漬之餘可以汲食故諸將頗以為不然而禧括貪功  
生事決意城之智者莫不切笑及禧等來親授御前劄子自任  
略安撫使种諤而下盡受制方大會府庭出劄子以示諸將諸

將皆駭然失色自揔管曲珣而下唯唯不敢立異議惟种諤極  
言不可禧怒以語諤曰君不畏死乎而敢沮機事耶諤曰城之  
則必敗敗即死非即制亦死死於此猶愈於喪國師而淪異域  
也禧度不可屈即奏請跋扈異議不可与偕行有詔留諤与守  
延州八月甲子禧薨卒及括率率番漢十餘將凡八万兵役夫  
荷粮者倍之於是李浦前將軍本路將官吕政佐之曲珣將中  
軍高永能佐之王湛將後軍吳玠誼佐之李褰主運餉治版築  
謀畫進退悉決於禧括及薨卒与聞而已戊辰至于永洛環兵  
外向旬有二日而城立乃留玠等諸將以守兼護復作制樓櫓  
而禧括薨舉及其幕府官屬罕牙兵六千人先歸至米脂玠遣  
人來告夏人至矣初虜聞主帥之城也其事用者以為此城不爭  
則橫山盡為漢有雖夏為存亡所係要當以死捍之又知諤不  
在軍中益有所懼於是悉數境內引弓之民誘召吐蕃達打回  
紇之兵以為不足又乞於契丹步騎三十万欲以全兵取勝以

報朝廷五路之役前歲大舉兵時鄆延兵練惟謬麾下殺有功  
克米脂取白豹虜酋湯謨盧等戍斬首數千既虜勝兵將請甚  
視大敵如兒女果敢不怯而禧慙仇少持重居常太言當比古  
名將及聞賊至笑謂報者曰黠羌敢送死乎因語括曰公帥臣  
萬一不可貽國羞僕與李常侍蒙上所遣專屬以邊事義當往  
彼拒敵死生以之遂令左右鞭馬率舜舉以行舜舉不敢往及  
禧強之即同去且約括曰緩急當相救括舉諸遂行時九月癸  
巳也禧至永洛賊兵尚遠翌日凌晨與諸將會于西門觀賊諸  
將請擊之以挫賊而高永能者言尤切曰羌性如狗不意而輒  
加笞叱則氣折而不能害人若遲疑不斷以作其狂妄則痢喉  
撲緣死所不至今其先來者皆精兵欲以當我可速與戰戰則  
獸駭鳥散後有重兵亦不敢跬步進此虜之常勢也且聖埃障  
天必有數千方之衆使其俱至則衆寡不支大事去矣願事无  
忽焉永能者屬部番將年七十餘矣結駃以來幾百戰其人沈



重有謀略生四男皆奉健善騎射羌人常畏之諸將頗以永能  
言為善惟樛獨不聽敏然自持其穎曰此非計也王師當以義  
戰豈可掩其未集耶俟其必列陣相持然後合戰戰而勝與諸  
君誰門數軍實大嚼痛飲振旅而歸豈不使哉且余自有節  
制可以万全何至効兒女曹祖詐之計乎永能怏怏而退謂其  
子曰吾不知其死所矣日亭午賊騎稍逼樛令出戰於是王師  
七万陣於城下樛與舜舉坐譙門自執大黃旗謂諸將曰望吾  
旗麾而進祖而止軍中往往竊笑而已虜大至極目无窮盡我  
師有懼色俄而鐵騎五十涉无定河永能又進前曰此羌人号  
鐵鷁子騎過河得平地其鋒不可當乘其未渡擊之可使鐵鷁  
若縱之盡濟我師殆矣樛又不許已而鐵騎過河衝踐王師王  
師陣動虜將以大兵乘之玆等失敗奔歸城中者三万人樛四  
頭不知所為即圍城以守虜分兵圍之厚數重乙亥游騎掠米  
脂括退保綏德城虜知王師兵援困盡歟來攻矢石如雨城中

蒙植而立將士皆晝夜戰死無血漬於衣衣能數日事至於此  
必先幸矣因挂弓於城絕脛而死三軍皆泣被圍數日乏水以  
至裂馬糞而飲會天微雨士將皆露立以衣承焉吮之而止渴  
稍稍殺役夫啖之植令士工鑿數井始有浸潤士卒渴甚爭奔  
至者斬之不能止尸蔽井傍已而至于自投井中以飲者踰刻  
而填塞其渴如此凡八日虜遣使呼城上講和請將來結盟意  
歡詠曲弭斬之植等既急即遣呂文思應命文思至虜中虜酋  
坐帳中令坐呂政于地曰尔乃小將不可議約當令曲太尉來  
呂政乃還植以珍摠軍政不可違已而景思誼自請行植曰尔  
乃小將不可思誼曰今勢已急迫儻能以口舌說之使緩攻以  
待外援不亦可乎苟能活數萬人之命豈願一身耶乃入虜中  
虜見思誼曰若還蘭會米脂即當解去思誼曰此係朝廷非邊  
臣所得專也虜知无益度珍不可得因疑思誼囚之城中兵愈  
窮聲譽搃於于前謂左右曰城陷吾自刎女當以尸瘞此中初

思詎去時檣聲舉幕中有水兩壺將士絕飲已三日矣虜亦不知而攻稍緩是日忽於城下呼曰漢人何不降尔无水已三日矣檣以壺中水揚于外示之曰若无水此何物也虜笑曰止於此尔由是人人疑思詎泄之夜半虜兵四面急攻先梯穴而入士卒飢瘦不能復拒因各潰散降舉自殺檣樓為亂兵所殺將校惟曲珍王湛李浦獲免逃歸者數千人千人身皆被擄虜親利見有衣甲者窮問不直殺之奪其物而後已故能脫者大抵皆裸袒被髮至有蕃落指揮使馬黃者驍勇絕倫城陷不肯逃持刀大呼出入虜陣中殺數百人而後死初珍之失馬危甚忽有老人牽馬以授之曰此曲太尉乎因得馳去是役也正兵及糧卒死者九十余万人官吏將校數百人前此朝廷詔熙河隴會路制置使入內副都知李憲將兵十余方救之未至而城陷被圍諸路不奉朝日无肯救者唯河東經略王漸命大將張世矩以便宜發三万騎救應亦不及矣虜既克永洛則乘勝欲進

盛州會限之且諸番誘會者自反思歸夏人不能約束又所得城中財物器甲不平皆失望而怨虜將懷安乃耀兵米脂城下而退始余嘗患求洛之事傳者紛二不一類又訛為往往朝廷之上搢紳之間互有差異雖有知之詳者蓋亦畏避而不敢聞余登言頗詳而有理且曰方是時僕在延安而親族一人自求洛城中脫歸故為可信於是書之以貽後人

茂州更生閣記

跨龍先生

政和丁酉正月辛亥靜塗諸羌叛火折博市殺居民千虜婦女數百虜漫山聚洛殆及老嫗競掠財貨輦負而歸適民有春釀賊縱飲至漏澤園昭惠祠朋醉莫能與時郡闕守司戶曹杜某攝事不知兵民踣求拯城闔掌急闔扉嬰城以守城中尚有戍兵百士丁三千人皆叩頭願戰擊不許趨出城鑰士丁據者十輩至夜請緝城而下掌曰城禁嚴重賊已醉殺之不武皆切齒僅縱之往如刈官茅耳兄曹不識機會以吾民餌敵

曾不之恤也癸丑復引生羌來攻城矢石如雨人負板以行史  
絕龍空三谿水道贍軍池涸人无樵蘇撤屋以募援兵至賊始  
解去朝廷命成都節度周壽節制軍事鈐轄張永鐸統制軍馬廉  
訪使者丁弼監其軍三月庚子至相公嶺羌賊六百迎戰士氣  
銳其左右軍馬翼卷夷賊居中東兵千蜀兵三千餘欲接戰永  
鐸麾兵賊无遺類矣乃下令小旗鼓問賊何來答云來取爾  
曹真級曰吳賊稍稍依山長嘯而去王師入城永鐸聞懼无謀  
四月己未旺烈空礮率其族六十七人降軍軍丁弼以為謀  
因命囚之取旨不報是時數其罪而戮之則諸羌膽落不即受  
而還之遂可班師優柔不断醞養邊患以遺後人五月癸丑西  
將丘永壽及張永鐸議宵攻靜州堡而夷賊失期知痛上二鼓  
師行扣賊里賊鳴角相應王師七百入皆陷凡偏裨將士人  
不戰而死无一騎一卒返者始丘永壽為大將當行自晏矣永  
壽猶卧營中不知師敗此聞報乃行至故州基導以胡部樂謂

之奏凱而還士皆切笑永鐸居帳中股慄不能言大興靜  
額不滿二百其勝兵者才七八十人兩掩捕殄滅一巡尉之賊  
而帥司張鼓其事至煩樞府數虎符兵他路銓將飛輓饋運一  
方震恐凡費國用四百万緡兩蜀由是困矣土遺中宦何伯通  
究其條役具五事以聞熹差迂張永鐸立永壽丁弼軍黃表復  
命孫義叟節制綿茂州种友直將中軍以施黔義軍為先鋒首  
破赤土山深入板舍源部族凡射傷賊賊視其瘡滿謂前有神  
如耿恭時夷人奔遁搜山被谷至濕山背去茂无兩舍靜塗諸  
蕃助草牽羊抱茂州將賈宗範足投哀丐命願平夷囑固遠徙  
幽陰以田授宋世世不敢犯邊者孫義叟傳令搜大軍固是時  
軍若達茂則諸蕃束手就死矣賈宗範即受旺烈等降反愈安  
之奏諸朝賜首領官月給茶綵綿茂分屯後靜塗蓋益驕時時  
跳梁謂法非我制數出為寇予昔以書記從戎目擊其事數進  
議不合每從旁觀同列咋舌以校叩地曰何乖謬若此一切誕

護公肆欺天是當有陰責且更以盛衰各有時然一日縱敵數  
世之患是役也三月丁未強寇十二族投降次水四三日不肯  
濟庚戌聲言願得二郎中來盟乃可濟永鐸屬成都僊曹趙滂  
副其入不測之虜乘桴至中流浪激桴桴覆同行八人而七人  
溺死獨某脫蛟涎免葬魚腹中是所謂更生者此也四月己卯  
永鐸又迫其與犍為陳益目環視其夫病給藥劑翌日癘毒  
作某益目皆仆床死數日不知人所謂再更生者也其溺也  
屈原居汨羅其病也童子膏肓豈料見今天日已矣臣堪追  
咎者宣和癸卯八月誤恩貳郡恍惚疑若經行夢中不知是覺  
予之更生止是而已乎嗟嗟茂纔三里之城如方渚如某教士  
士民勒蹊半廬野外老人勸輒什伍為群日夜持弓刀躍我  
市肆奪我餼糧剽傷其孳畜前守王彥卿病之慨然召將佐父  
老告之曰城元以保汝汝不可死城為汝保也且起是裔築百  
堵與吳大師龐徽猷惡其專彥卿飲恨以罷役後二年有靜塗

之禍且折柳樊圃何足禦狂丸泥封關未能拒敵然終之猶冀  
乎已蠟爲垓蜂爲戶兔三其穴狗兩其竇鹿環角以戒害獫狁  
域以全生巢高室深墉雞雉蓄各欲知其畏避若等不幸生長  
荒服安於下賤且无城以保聚故厥寧政和再罹西羌兵火嗟  
嗟燐火夜晶游魂亡招往者已遠來者未知仁人有言其利必  
博閣在楊靈祠下非禁築地也因以書事待野史之鈎探云年  
月日記



新刊

國朝二百家

釋義卷一百十五